

**PRIRODNO-MATEMATIČKI FAKULTET Univerziteta u Sarajevu**, ulica Zmaja od Bosne 33-35, kojeg zastupa prof. dr. Mustafa Memić, dekan Fakulteta (u daljem tekstu: **Naručilac**),

i  
**RELAX TOURS D.O.O. Sarajevo**, ulica Alekse Šantića br. 5, Sarajevo, kojeg zastupa Fatima Jašarević, direktor (u daljem tekstu: **Izvršilac**).

Na osnovu člana 88. i 89. Zakona o javnim nabavkama („Službeni glasnik BiH“, broj: 39/14), a nakon provedenog postupka nabavke putem konkurentskog zahtjeva za dostavu ponuda, objavljenom na Portalu javnih nabavki, broj: 654-7-2-44-3-1/17, dana 15.02.2017. godine i Odluke o dodjeli ugovora, broj: 01/01-414/10-2017 od 06.03.2017. godine, ugovorne strane na dan 20.03.2017. godine, zaključuju:

## **UGOVOR**

### o nabavci usluge

#### **Član 1.**

Predmet ovog Ugovora je pružanje usluge **PREVOZA I SMJEŠTAJA IZVOĐAČA TERENSKJE NASTAVE Prirodno-matematičkog fakulteta Univerziteta u Sarajevu**, a na osnovu provedenog postupka po konkurentskom zahtjevu, objavljenom na Portalu javnih nabavki, broj: 654-7-2-44-3-1/17, dana 15.02.2017. godine.

#### **Član 2.**

Naručilac se obavezuje da za vrijeme trajanja ovog Ugovora, a u skladu sa ugovorenim uslovima, koristi **USLUGE PREVOZA I SMJEŠTAJA ZA IZVOĐAČE TERENSKJE NASTAVE PRIRODNO-MATEMATIČKOG FAKULTETA UNIVERZITETA U SARAJEVU** prema dostavljenoj ponudi i specifikaciji predmeta javne nabavke.

Izvršilac se obavezuje na pružanje usluga ugovornom organu na način kako je to utvrđeno u traženom obimu i dogovoreno vrijeme, a sve u skladu sa uslovima iz tenderske dokumentacije i prihvaćenom ponudom izvršioca usluge.

#### **Član 3.**

Izvršilac kojem je dodijeljen ugovor o javnoj nabavci nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

## **CIJENE, PLAĆANJE I ISPORUKA**

#### **Član 4.**

Izvršilac će pružiti uslugu naručiocu po cijenama iz Ponude, a prema provedenom postupku, koja je sastavni dio ovog Ugovora.

#### **Član 5.**

Ukupna ugovorna cijena za predmet Ugovora iz člana 1. Ovog Ugovora, bez poreza na dodanu vrijednost iznosi:

=4.000,00 KM

(Slovima : četiri hiljade i 00/100 KM)

Porez na dodanu vrijednost (17%) iznosi:

=680,00 KM

(Slovima : šeststotina osamdeset i 00/100 KM)

Ukupna ugovorna cijena za predmet Ugovora iz člana 1. Ovog Ugovora, sa porezom na dodanu vrijednost iznosi:

=4.680,00 KM

(Slovima : četiri hiljade šeststotina osamdeset i 00/100 KM)

#### Član 6.

Ugovorne strane su saglasne da će se plaćanje izvršiti u roku od 7 (sedam) dana po završetku terenske nastave i ispravno ispostavljenje fakture.

#### Član 7.

Rok izvršenja usluge je predviđeni plan realizacije terenske nastave Odsjeka za biologiju i Odsjeka za geografiju, koji je detaljno i sadržan u specifikaciji predmeta nabavke, a time i obuhvaćen u Ponudi.

#### Član 8.

Izvršilac i naručilac usluge iz člana 1. ovog Ugovora su dužni da blagovremeno na zajedničkom sastanku uz predstavnike studenata Prirodno-matematičkog fakulteta Univerziteta u Sarajevu sačine operativni plan izvođenja terenske nastave u skladu sa članom 7. ovog Ugovora, a sve u cilju što bolje realizacije terenske nastave.

### TRAJANJE UGOVORA

#### Član 9.

Ugovor traje 3 (tri) mjeseca od dana zaključivanja.

### RASKID UGOVORA

#### Član 10.

Pravo na raskid ugovora zadržavaju obje ugovorne strane u slučaju da jedna od ugovornih strana ne ispunjava svoje ugovorne obaveze, s tim što su obavezne da o svojoj namjeri pismeno obavijeste drugu ugovornu stranu najmanje u roku od 30 (trideset) dana unaprijed.

### ZAVRŠNE ODREDBE

#### Član 11.

Ugovorne strane su saglasne da se za sve što nije regulirano ovim Ugovorom, primjenjuju odredbe Zakona o obligacionim odnosima.

#### Član 12.

Ugovorne strane su saglasne da sva eventualna sporna pitanja riješe sporazumno u duhu dobrih poslovnih običaja.

Ukoliko ugovorne strane ne postignu sporazumno rješenje, za rješavanje spora nadležan je sud u Sarajevu.

#### Član 13.

Ovaj Ugovor stupa na snagu danom potpisivanja od strane ovlaštenih lica ugovornih strana.

#### Član 14.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

Relax tours d.o.o. Sarajevo

Direktor

Fatima Jašarević



Broj:

Datum: 20.03.2017.

